

# ТАҒДЫРШЕШТІ, ТҰҒЫРЛЫ МЕРЕКЕМІЗБЕН!

№126-127  
(4560)

Сейсенбі  
24 қазан  
2023 жыл



# ASTANA

ELORDA  
AQPARAT  
МЕДИА ХОЛДИНГІ

РЕСПУБЛИКАЛЫҚ ҚОҒАМДЫҚ-САЯСИ ГАЗЕТ

A Q S H A M Y

1990 ЖЫЛҒЫ 13 ҚАЗАННАН БАСТАП ШЫҒАДЫ



“”

Қасым-Жомарт ТОҚАЕВ,  
Қазақстан Республикасының  
Президенті:

Республика күні – халқымыздың рухын көтеріп, елдігімізді нығайтатын, бірлігімізді бекемдеп, ынтымағымызды арттыратын айшықты мереке. Біз Әділетті Қазақстанды құруға кірістік. Барша қазақстандықтар белсене атсалысқанда ғана осы игі мақсатқа қол жеткізе аламыз. Біз – байрағын биік ұстаған бабалардың ұрпағымыз. Қазақстаннан басқа Отанымыз жоқ. Бағдарымыз – айқын, мақсатымыз – ортақ. Біз тәуелсіздік тұғырын биік ұстап, мемлекеттігімізді нығайта береміз. Өйткені Отанымыз – бір, мемлекетіміз – бір, халқымыз – бір.



ДЕКЛАРАЦИЯ ҚАЛАЙ  
ҚАБЫЛДАНДЫ?

7-БЕТ |



АЗАТТЫҚ ЖОЛЫНДАҒЫ  
АРПАЛЫС

8-9-БЕТ |



11

ДҮНИЕ  
ДИДАРЫНДА –  
ДИМАШ



## ӨЗ ЕЛІМ МЕНІҢ – ӨЗЕГІМ!

Құрметті елорда  
тұрғындары мен қонақтары!



Сіздерді Республика күнімен құттықтаймын!  
Еліміздің мемлекеттік егемендігі туралы Декларация Тәуелсіз мемлекет құруымызға жол ашты. Бұл ұлттық мереке біздің бірлігімізді нығайтуға арналған.

Мемлекет басшысы атап өткендей, біз Әділетті Қазақстанды құруға кірістік, «Бұл биік мақсатқа барша қазақстандықтардың белсенді атсалысуымен ғана қол жеткізуге болады, өйткені мемлекеттің басты тірегі мен ең үлкен байлығы – азаматтар!».

Біз ғасырлар бойы қалыптасқан дәстүрді, ұлы тарихты, өткеннің мәдени және рухани мұрасын мақтан тұтамыз. Ал болашақтың символы – біздің жас әрі күн санап өркендеп келе жатқан Астанамыз.

Сіздердің әрқайсыларыңыз қаламыздың дамуына үлес қосып жүрсіздер. Біз елордамызды жан-жақты дамыту жолында жұмыс істеп жүрміз. Оның ішінде әлеуметтік нысандар құрылысы мен аудандарды абаттандыру, ірі көліктік, инновациялық және өзге де жобалар бар.

Қаланың дамуына белсенді атсалысқан әрқайсыңызға алғыс айтамын! Республика күні құтты болсын! Сіздерге зор денсаулық, бақ-береке және толағай табыс тілеймін!

Жеңіс ҚАСЫМБЕК,  
Астана қаласының әкімі



АЛТЫН АЛҒАН  
АҚМАРАЛ!

IV Азия пара ойындарында  
Ақмарал Науатбек алтын  
медальді жеңіп алып, ел  
байрағын асқақтатты.

Пара дзюдодан J2 санаты бойынша 48 келі салмақта өнер көрсеткен астаналық Ақмарал Науатбек финалдық белдесуге дейінгі қарсыластарын бір деммен жеңіп шықты. Ақтық сында қытайлық Ли Личинмен белдесіп, жеңіске деген жігер танытып, кілем иесін ұтты.

Қытайдың Ханчжоу қаласында 22-28 қазан аралығында өтетін Азия пара ойындарында Қазақстан спортшылары әзірге 2 алтын, 3 күміс, 4 қола медаль еншіледі.



№126-127 (4560) 24/10/2023 Сейсенбі



## АЛҒАШҚЫ МЕДИЦИНАЛЫҚ КӨМЕК КОАЛИЦИЯСЫН ҚҰРУДЫ ҰСЫНДЫ

Президент Медициналық-санитарлық алғашқы көмек жөніндегі жаһандық конференцияның пленарлық отырысына қатысты.

Қасым-Жомарт Тоқаев Медициналық-санитарлық алғашқы көмек (МСАК) жөніндегі Алматы декларациясының қабылданғанына 45 жыл және Астана декларациясына 5 жыл толуына орай ұйымдастырылған жаһандық конференцияның пленарлық отырысына қатысты.

Мемлекет басшысы конференция қатысушыларына ілтипат білдіре отырып, денсаулық сақтау және медициналық-санитарлық алғашқы көмек көрсетудің халықаралық жүйесін жетілдіру ісінде Алматы және Астана декларацияларының маңызы зор екенін атап өтті.

– Осыдан 45 жыл бұрын медициналық-санитарлық алғашқы көмектің әлеуметтік тұрғыда әділетті моделіне негіз болған Алматы декларациясы қабылданды. Бұл декларация әлемдік денсаулық сақтаудың Ұлы Хартиясына айналып, көптеген елдің халық денсаулығын жақсарту үшін шара қабылдауына, оны адамның іргелі құқығы ретінде мойындауына түрткі болды. Алматы декларациясы біраз елде ана мен бала өлімінің деңгейін жүйелі түрде төмендету, болжамды өмір сүру жасын ұзарту үшін шешуші рөл атқарды. Бүгінде көптеген елде ұлттық денсаулық сақтау жүйесі жолға қойылған. Онда медициналық-санитарлық алғашқы көмекке айрықша мән беріледі. Бұл бес жыл бұрын қол қойылған Астана декларациясында нақтыланады, – деді Президент.

Қасым-Жомарт Тоқаевтың айтуынша, МСАК жүйесі эпидемияның алғашқы белгілерін

анықтау және тосын сын-қатерлерге қарсы әрекет ету ісінде маңызды рөл атқарады. Мемлекет басшысы қоғамдық денсаулық сақтау ұйымдары өздерінің орнықтылығын және туындаған жағдайға тез бейімделе алатынын көрсеткеніне назар аударды. Президент адамзаттың COVID пандемиясын еңсеруіне үлес қосқаны үшін барлық медицина қызметкеріне алғыс айтты.

Бұл ретте, Президенттің пікірінше, барлық ықтимал қауіп-қатерді ескере отырып, денсаулық сақтау жүйесі кез келген күрделі жағдайға әрдайым дайын болуы үшін оған қолдау көрсету керек. Ауру-сырқаудың белгілерін бастапқы кезеңінде анықтау және тосын сын-қатерлерге дер кезінде назар аудару үшін әлеуетті арттыра беру қажет.

Қасым-Жомарт Тоқаев еліміздегі денсаулық сақтау жүйесін дамыту бағытында жүзеге асырылып жатқан шараларға арнайы тоқталды.

– Елімізде барлық баланы профилактикалық медициналық тексеруден өткізу ісі жолға қойылған. Әрбір ірі елді мекенде жастардың денсаулық орталықтары жұмыс істейді деуге болады. Жыл сайын үш миллионға жуық ересек адам скрининг және кәсіби тексеру бағдарламасынан өтеді. Ауыл тұрғындарының медициналық қызмет алуына бірдей мүмкіндік жасау үшін біз бірқатар реформа жүргіздік. Нәтижесінде, 2018 жылдан бастап ауылдардағы алғашқы көмек көрсету пункттерінің саны 3 еседен

астам көбейді. Сонымен қатар телемедицина және қашықтан мониторинг жасау сияқты цифрлық технологиялар белсенді түрде енгізіліп жатыр. Бұл алғашқы медициналық көмектің қолжетімділігін айтарлықтай арттырады, – деді Мемлекет басшысы.

Президент сөзін қорытындылай келе, Дүниежүзілік денсаулық сақтау ұйымының қолдауымен Мемлекеттердің медициналық-санитарлық алғашқы көмек жөніндегі коалициясын құруды ұсынды. Бұл бірлестік денсаулық сақтау және аурудың алдын алу қағидаттарын одан әрі ілгерілетуге, медициналық-санитарлық алғашқы көмекті дамыту жөніндегі бірлескен ұсынымдар әзірлеуге мүмкіндік береді.

Сондай-ақ Қасым-Жомарт Тоқаев медициналық-санитарлық алғашқы көмек көрсету саласын, жалпы денсаулық сақтау жүйесін одан әрі дамытуда жастарға зор сенім артатынын атап өтті. Мемлекет басшысы жастармен кездескен сайын спортпен шұғылдандырып маңыздылығы туралы айтатынын еске салып, оларды еңбекқор және мақсаттарына адал болуға шақырды.

Сонымен қатар конференцияның пленарлық отырысында ДДҰ Бас директоры Тедрос Адханом Гебрейесус, ДДҰ-ның Еуропадағы өңірлік бюросының басшысы Ханс Клюге, Торонто денсаулық сақтау жүйесі университеті МСАК Серіктестік кеңсесі жаһандық бөлімінің жетекшісі Катрин Руло сөз сөйледі.

Жалпы министрлік Республика күні мерекесінде азаматтардың қауіпсіздігі мен құқықтық тәртіпті қамтамасыз етуге барынша күш салып жатқанын мәлімдеді.

Министрлікте Жедел штаб жұмыс атқарады. Ұқсас штабтар барлық өңірде ашылады» деді ҚР ІІМ Әкімшілік полиция комитетінің ерекше тапсырмалар жөніндегі аға инспекторы Айдын Оразбаев.

Жалпы министрлік Республика күні мерекесінде азаматтардың қауіпсіздігі мен құқықтық тәртіпті қамтамасыз етуге барынша күш салып жатқанын мәлімдеді.

## ДДС ҰЙЫМЫ БАСШЫЛАРЫН ҚАБЫЛДАДЫ

Мемлекет басшысы Қасым-Жомарт Тоқаев Дүниежүзілік Денсаулық сақтау Ұйымының Бас директоры Тедрос Гебрейесусты және ұйымның Еуропадағы өңірлік бюросының басшысы Ханс Клюгені қабылдады.

Астанада өтіп жатқан Медициналық-санитарлық алғашқы көмек жөніндегі жаһандық конференция аясындағы кездесу барысында Дүниежүзілік денсаулық сақтау ұйымымен өзара ынтымақтастық мәселелері талқыланды.

Мемлекет басшысы қонақтарға ілтипат білдіре отырып, еліміз ең маңызды ұйымның бірі саналатын ДДҰ-

көмектесеміз және қолдау көрсетеміз, – деді Мемлекет басшысы.

Қасым-Жомарт Тоқаев пандемиядан кейін аталған саланы қалыпқа келтіру, халық денсаулығын сақтау ісіндегі негізгі мақсаттарға қол жеткізу үшін денсаулық сақтау жүйесін нығайтуға Қазақстанның белсенді түрде кіріскеніне назар аударды.

Өз кезегінде ДДҰ Бас директоры Алматы және Астана декларацияларының қабылдануы ұйым мен жеке өзі үшін ерекше маңызды екенін атап өтті. Өйткені ол Денсаулық сақтау министрі қызметін атқарған кезінде, медициналық-санитарлық алғашқы көмекті дамыту мәселесімен мақсатты түрде айналысқан. Бұдан бөлек, кездесуде Дү-



мен халықаралық деңгейде нәтижелі қарым-қатынас жасап отырғанын атап өтті.

– Еліміз әрқашан Сіздің қызметіңіздің табысты болуына септігін тигізеді. Қазіргідей күрделі жағдайда ДДҰ-ны басқару өте қиын екенін білемін. Бұл – нағыз сынақ. Сізге әлемдегі көптеген ел мен делегаттардың түрлі пікірлеріне құлақ асып, тиімді шешім табуға және мәміле жасауға тура келеді. Сізге табыс тілеймін. Біз өз тарапымыздан Сізге әрдайым

Бұл ретте Президент ДДҰ жетекшілігімен жүзеге асырылып жатқан тиісті бастамаларға толық қолдау көрсетуге еліміздің дайын екенін нақтылады.

Мемлекет басшысының айтуынша, Қазақстан БҰҰ-ның 2030 жылға дейінгі орнықты даму мақсаттарына қол жеткізуге, соның ішінде халықты денсаулық сақтау қызметімен толық қамтуға, ана мен бала өлімінің деңгейін төмендетуге, сондай-ақ туберкулез эпидемиясын толықтай жоюға ниетті.

Дүниежүзілік денсаулық сақтау ұйымымен ШЫҰ аясындағы ынтымақтастық, Орталық Азиядағы денсаулық пен әл-ауқатты қолдау жөніндегі 2022-2025 жылдарға арналған жол картасын жүзеге асыру мәселелері талқыланды.

Кездесу соңында Қасым-Жомарт Тоқаев Жаһандық конференцияны ұйымдастыруға атсалысқаны және осы маңызды шараға қатысқаны үшін Тедрос Адханом Гебрейесус пен Ханс Клюгеге алғыс айтты.

## РЕСПУБЛИКА КҮНІ – ТӘУЕЛСІЗДІК БАСТАУЫ

Елорданың Достық үйінде Астана қаласы Қазақстан халқы Ассамблеясының ұйымдастыруымен «Республика күні – Қазақстан тәуелсіздігінің бастауы» тақырыбында ғылыми-практикалық конференциясы өтті.



Айгүл УАЙС

Астаналық қоғамдық құрылымдардың, этномәдени бірлестіктердің, үкіметтік емес ұйымдардың басын қосқан конференцияда қалалық ассамблеяның Ғылыми-сараптамалық тобының мүшелері баяндама жасады. Конференция жұмысын бастаған Астана қаласы Ішкі саясат басқармасының басшысы Нұрдаулет Әлмұханов ел бірлігін сақтап, отанымыздың тарихи-мәдени құндылықтарын сақтауда, байытуда және насихаттауда ғылыми-зерттеу ұйымдары мен Ассамблея сияқты қоғамдық ұйымдарының жұмысының маңызына тоқталды.

Қазақстан Республикасының Тәуелсіздігі туралы декларацияның қабылдануы Қазақстан мемлекеттілігі тарихындағы жаңа кезеңнің негізін қалаған ел дамуының бетбұрыс белгісі болды. Ол демократиялық әлеуметтік-бағдарланған және құқықтық мемлекет құруды жариялағанын айтқан Астана қаласы Қазақстан халқы Ассамблеясының Ғылыми-сараптамалық тобының төрағасы, Л.Н.Гумилев атындағы Еуразия ұлттық университетінің профессоры, тарих ғылымдарының докторы Тілеген Садықов 1990 жылғы 25 қазан - Тәуелсіздіктің бастауы екенін баяндап өтті.

Одан кейін Астана қаласы Қоғамдық кеңесінің төрағасы, Қазақстан Республикасы Президентінің жанындағы Академияның мемлекеттік басқару

институтының директоры Зұлфуқар Гаипов, Л.Гумилев атындағы ЕҰУ профессоры Алина Ауанасовалар баяндама жасап, заманауи коммуникация арналарының мүмкіндіктерін пайдалана отырып, декларацияның негізгі ережелерін насихаттау және түсіндіру бойынша ағартушылық жұмысты жандандыруды ұсынды.

Республика күніне арналған ғылыми-практикалық конференциясы жұмысының соңында арнайы қарар қабылдады. Онда ел дамуының мемлекеттік кезеңдерін зерделеуде әлеуметтік ғылымдар өкілдерін тарту маңызды екені қамтылды. Сондай-ақ жастар арасында ұлттық сананы қалыптастыра отырып, Қазақстан Тәуелсіздігі кезеңінің жетістіктерін насихаттау мәселесі сөз болды.

## КҮШЕЙТІЛГЕН ТӘРТІП РЕЖИМІ ЕНГІЗІЛЕДІ

ҚР ІІМ Әкімшілік полиция комитетінің ерекше тапсырмалар жөніндегі аға инспекторы Айдын Оразбаев еліміз үшін маңызды мереке – Республика күні қарсаңында Ішкі істер министрлігі тиісті құқықтық тәртіпті қамтамасыз ету үшін барлық қажетті жағдайды жасап жатқанын айтты.

ҚР ІІМ Әкімшілік полиция комитетінің ерекше тапсырмалар жөніндегі аға инспекторының айтуынша, 24-26 қазан күндері бүкіл жеке құрам қызмет өткерудің күшейтілген нысанына ауысады. Әкімдіктермен бірлесіп, мәдени-бұқаралық іс-шаралар өтетін орындар белгіленді.

«Құқықтық тәртіптің күштері мен құралдарының есебі дайындалды. Осы күндері қоғамдық

тәртіпті сақтауға тартылған полиция қызметкерлері мен Ұлттық ұлан әскери қызметшілерінің санын 20 мыңға дейін көбейту көзделген. Полиция жасақтары азаматтар көп жиналатын, әрі демалатын орындарға жақындатылады. Сонымен қатар бұл орындар Жедел бақылау орталықтарының бейнекамераларымен визуалды бақылауға алынады. Ахуалды мониторингілеу үшін

тәртіпті сақтауға тартылған полиция қызметкерлері мен Ұлттық ұлан әскери қызметшілерінің санын 20 мыңға дейін көбейту көзделген. Полиция жасақтары азаматтар көп жиналатын, әрі демалатын орындарға жақындатылады. Сонымен қатар бұл орындар Жедел бақылау орталықтарының бейнекамераларымен визуалды бақылауға алынады. Ахуалды мониторингілеу үшін

## МЕРЕКЕ ҚАРСАҢЫНДА ҚАЛАМГЕРЛЕР МАРАПАТТАЛДЫ

Музыкалық жас көрермен театрында «Тіл – елдіктің тірегі» атауымен салтанатты кеш өтті. Астана қаласы Тілдерді дамыту және архив ісі басқармасына қарасты «Руханият» мекемесі ұйымдастырған мерекелік шарада «Тіл – ұлтың жаны» атты семинар-форумға атсалысқан елорда қаламгерлері марапатталды.

**Аманғали  
ҚАЛЖАНОВ**

Биыл бас қалада Қазақстан халқы тілдерінің XXV қалалық фестивалі бір айға жалғасты. Аталмыш семинар-форумды осы фестиваль аясында қалалық Тілдерді дамыту және архив ісі басқармасы Қазақстан Жазушылар одағының Астана қалалық филиалымен бірлесіп ұйымдастырды. Қаламгерлерді Астана қаласы мәслихатының төрағасы Ерлан Каналимов және Тілдерді дамыту және архив ісі басқармасының басшысы Сәкен Есіркеп марапаттады.

– Республика күні – біздің халқымызға өте ыстық, ерекше көңіл-күй сыйлайтын күн. Себебі Тәуелсіздік мерекесінің алдында осы мереке тұр. Еліміздің егемендігі асқақтай берсін, тәуелсіздігіміз мәңгі баянды болсын! – деген Ерлан Каналимов жиналған қауымды мерекелем құттықтады.

Мәслихат төрағасы Астана қаласының әкімдігі мен қалалық мәслихат елордадағы Жазушы-

лар одағының мүшелеріне қолдау көрсету, еңбегін бағалау мақсатында әрқайсысы 500 мың теңгелік арнайы гранттарды бөлгенін атап өтті. Бұған биыл 160-тан астам қаламгер ілікті. Ерлан Каналимовтың айтуынша, осындай қолдау шарасы бұдан былай жыл сайын жалғасады. Грант көлемі көбеюі де ықтимал. Бұл шараның бастамашысы – Қазақстан Жазушылар одағының Астана қалалық филиалының директоры Дәулеткерей Капұлы.

– Ұлттығымыздың ұйытқысы төл әдебиетіміз бен мәдениетімізді ұмытпауымыз керек. Өйткені қалам деген қасиетті. Сөз өрнегі халықты ыдыратып та, біріктіре де алады. Қазіргі жаһандану заманында әртүрлі жағдайлардың болып жатқанын көріп отырмыз. Сондықтан тілімізді, ұлттық руханиятымызды, егемендігімізді сақтап қалу үшін осы салаға ерекше көңіл бөлу керек. Қаламдарыңыздан халықтың рухын оятатын туындылар туа берсін, – деп түйіндеді Ерлан Каналимов.

Тілдерді дамыту және архив ісі басқармасының басшысы Сә-



кен Есіркеп Республика күнінің мән-маңызына, Егемендік декларациясының қабылдану тарихына тоқталды.

Жиында аға буын да, орта буын да, жас қаламгерлер де марапатталды. Атап айтқанда, Жарықпап Бейсенбайұлы, Серік Негимов, Баяғали Әлімжанұлы, Орынбек Жолдыбай, Құралай Омар және т.б.

Мерекелік шараға арнайы қатысқан көрнекті ақын, Мемлекеттік сыйлықтың лауреаты Ұлықбек Есдәулет әдебиеттің ел өмірінде алар орнына тоқталып, осыдан 25 жыл бұрын Астанада мұндай әдеби орта болмағанын, қазір бас қала қаламгерлері ормандай жұртқа айналғанын

атап өтті. Астана әкімдігінің қолдауымен «Жазушылар үйі» мен «Қаламгерлер» аллеясы ашылғанын айтты. Осы шараның өзі қала әкімдігінің қаламгерлерді қолдау деңгейі жоғары екенін көрсететінін жеткізді.

Биыл Ұлықбек Есдәулет Түрксой ұйымы жанындағы Түркі дүниесі Жазушылар одағының төрағасы болып сайланды. Астана қаласы мәслихатының төрағасы Ерлан Каналимов пен Тілдерді дамыту және архив ісі басқармасының басшысы Сәкен Есіркеп ақынды осы лауазымымен құттықтап, қазақтың дәстүрмен иығына шапан жапты. Шара мерекелік концертке ұласты.

## БАЙҚАУ ЖЕҢІМПАЗДАРЫ АНЫҚТАЛДЫ

Астанада Республика күнін мерекелеу аясында ұлттық құндылықтарды насихаттауға және экстремизм мен терроризм идеологиясының алдын алуға бағытталған видеороликтер байқауының жеңімпаздарын марапаттау рәсімі өтті.



– Елорданың 25 жылдығы мен Республика күні мерекесіне орайластырылған байқаудың мақсаты деструктивті идеологияларға қарсы иммунитетті қалыптастыру және шығармашылық пен идеялар арқылы халықтың діни сауаттылығын арттыру болатын. Қатысушылар түрлі діни тақырыпта өз жұмысын ұсынды. Жүлделі орындардың иегерлері қазылар алқасының шешімімен олардың конкурс тақырыбына

сәйкестігін және ұзақтығы кемінде 30 секундты ескере отырып анықталды, – деді Астана қаласы Діндерді зерттеу орталығының директоры Алмас Ернараров.

Жеңімпаздарды марапаттау рәсімі «Жанұя» отбасы институтын қолдау орталығында өтті. Қазылар алқасының шешімі бойынша жүлделі 1-орынды жеңіп алған Диас Балмағамбетовке 1 000 000 теңге сомасына сертификат тапсырылса, 2-орын иегері Нұралы Естаевқа 500 000 теңге сомасына сертификат және 3-орынды иеленген Ілияс Баймолдинге 250 000 теңге сомасына сертификат тапсырылды.

Сонымен қатар байқаудың екі қатысушысы ынталандыру сыйлығы ретінде 10 000 теңге көлемінде ақшалай сертификаттармен марапатталды.

## СӘЙГҮЛІКТЕР САЙЫСЫ

Елордада алғаш рет конкурдан республикалық жарыс өтті. Республика күніне орай ұйымдастырылған чемпионатқа еліміздің түкпір-түкпірінен 80-нен аса шабандоз қатысты.

– Бүгінгі доданың осындай маңызды мерекелем тұспа-тұс келуінің үлкен символдық мәні зор. Жылқы десе жүгенін ала жүгіретін қазақ үшін ат спортының алар орны ерекше. Ата-бабаларымыз тұлпарды ерекше қадірлеген. Конкур спорты қазақ даласына кенжелеп жетсе де, бізге жат емес. Олай дейтініміз, өз заманында атағы алты құрлыққа жайылған хас тұлпар Абсент биіктігі 170 сантиметр кедергіні қиындықсыз бағындырып, үш мәрте Олимпиада жүлдесін алды, – деді Астана қаласының Ұлттық және олимпиадалық ат спорты түрлері федерациясының президенті Ерлан Каналимов.

Ең үздіктер қатарына ену үшін екі күн бойы әртүрлі биіктіктегі 8 санат бойынша бағы мен бабы келіскен 80-ге жуық

сәйгүліктер шеберліктерін көрсетті. Ал жекелеген бағыптарға Қырғызстаннан келген шабандоздар қатысты.

«Бас қаламызда олимпиадалық ат спорт түрі – конкур спорты дамытуға, салауатты өмір салтын насихаттауға барлық жағдай жасалған. Халқымыздың күрескер рухы, намысқа суарылған мінездері осындай жанкешті сайыстарда шыңдалады. Сексенге жуық жүйріктің ішінде алдына қара салмас шын жүйрік жеңіске жетсін» деп жарыстың алғашқы күнінде Ерлан Каналимов лебізін білдірген еді.

Сондай-ақ жарыста Астана, Алматы, Шымкент және Қарағанды қалаларынан 50-ге жуық шабандоз бақ сынады.

«Қырғызстаннан 2 шабандоз қатысып жатырмыз. Жарыста бәсекелестік деңгейі жоғары.



Елорда төріне алғаш келіп тұрғаным жоқ. Бұған дейін 11 жыл бұрын жарысқа келіп едім. Осы аралықта Астана қаласы айтарлықтай өзгеріп, ат спортына да көңіл бөлініпті. Жаңа «Арғымақ» ат спорты кешендеріңіз құтты болсын! Енді далада емес, күн қанша салқын болса да, жабық кешенде жаттығу мүмкіндігі болу керемет көрсеткіш!» деді

Қырғызстаннан келген қатысушы Андрей Тряпицын.

Жарыстың жалпы жүлде қоры – 26 миллион теңге. Сайыс қорытындысы бойынша 8 жеңімпаз анықталып, бас жүлде халықаралық дәрежедегі спорт шебері Нұрилла Тұрысбековаға берілді. 12 жасынан ат спортымен айналысып келе жатқан спортшы қыз Қазақстан чемпионы атағын иеленді.



**Құрметті елорда  
тұрғындары мен  
қала қонақтары!**



Сіздерді Ұлтымыздың ұлық мерекесі – 25 қазан Республика күнімен шын жүректен құттықтаймын! Республика күні – халқымыздың рухын көтеріп, елдігімізді нығайтатын, бірлігімізді бекемдеп, ынтымағымызды арттыратын мереке. Қазіргі шақта Жаңа, Әділетті Қазақстанды құрудың маңызды қадамдары жасалуда. Еліміздің құрылымдық жүйесінде, саяси-экономикалық бағытында жаңғыртулар қолға алынды. Демократиялық үрдістерді орнықтыруға, тұрғындардың өмір сүру сапасын жақсартуға бағытталған бұл өзгерістердің маңызы зор.

Халқымыздың ырыс-ынтымағы мен бірлік-берекесі артып, мемлекетіміздің мерейі үстем болып, еңселі еліміз мәңгі жасай берсін! Ұлттың ұлық мерекесінде баршаңызға игілік тілеймін!

**Ерлан КАНАЛИМОВ,  
Астана қаласы мәслихатының төрағасы**



**Құрметті  
астаналықтар!**

Ұлттық мерекеміз – егемендігіміздің жаршысы болған 25 қазан – Республика күні құтты болсын! Баршаңызды айтулы мерекелем шын жүректен құттықтаймын!

Республика күні – еліміздің игілігі мен баға жетпес құндылығы. Мемлекетіміздің мәйегі, дербестігіміздің дәйегі болған егемендіктің арқасында еліміз толайым табыстарға қол жеткізді.

Береке-бірлік, бейбіт тірлік қалыптастырған мемлекет ретінде әлемге танылды. Еліміздің халықаралық деңгейде айбыны асып, абыройының тасуы – Тәуелсіздік шапағаты! Қазіргі кезде Әділетті Қазақстанды құру жолында қыруар істер атқарылуда. Еліміздің саяси-экономикалық бағытында жаңғыртулар қолға алынды. Демократиялық үрдістерді дамытуға, халықтың өмір сүру сапасын жақсартуға бағытталған бұл өзгерістердің әлеуеті үшін де маңызды зор. Осының бәрі – Республикамызда жүргізіліп отырған саясаттың нақтылығы мен жасампаздығы.

Ардақты әлеумет! Ұлық мереке Республика күні баршаңыздың отбасыңызға бақ дарып, ырыс ұяласын! Ел іргесі аман, келешегіміз кемел болсын!

**Зулфухар СҰЛТАНҰЛЫ,  
Астана қаласы Қоғамдық кеңесінің төрағасы**



**Құрметті астаналықтар,  
елорда ардагерлері!**

Сіздерді еліміздің басты мерекесі – Қазақстан Республикасы күнімен шын жүректен құттықтаймын!

Біздің мемлекетіміздің күші – көпұлтты халқымыздың бірлігі мен өңірлердің мықтылығында! Бүгінгі Қазақстан Республикасы – қуатты және қарқынды дамып келе жатқан ел. Болашаққа нық сеніммен қадам басқан Қазақстанның әлемдік аренадағы абыройы мен беделі жыл сайын артып келеді.

Оның қазіргі барлық жетістігі мен табысы – аға ұрпақ пен олардың жолын сабақтастықпен жалғастырған бүгінгі буынның еселі еңбегі мен берекелі бірлігінің жемісі. Ең бастысы, мәдениет, руханият, ұлттық бірегейлік сынды басты құндылықтарымыз жаңғыруда. Отбасы институты, үлкенге құрмет, отаншылдық қасиеттер сақталуда. Бұл – біздің болашағымыздың мызғымас негіздері.

Бүгінгі мереке күні Сіздердің барлық бастамаларыңызға сәттілік, зор денсаулық, бейбітшілік, отбасыларыңызға амандық, Қазақстан Республикасының одан әрі өркендеуі жолындағы еңбектеріңізге толайым табыстар тілеймін!

**Сансызбай ЕСІЛОВ,  
Астана қаласы  
Ардагерлер кеңесінің төрағасы**

№126-127 (4560) 24/10/2023 Сейсенбі



## АСТАНАНЫҢ ӨЗІНДІК ДАМУ ЖОЛЫ БАР

– Сіздің қалаға әкім болып тағайындалғаныңызға биыл желтоқсан айында 1 жыл толады. Осы жылдың басында елордада шұғыл шешілуі керек мәселелер бойынша Мемлекет басшысы берген тапсырмалар қалай орындалуда? Жалпы мәселелердің бәрін бір жылда шешу мүмкін бе?

– Расында биыл 8-9 айдың ішінде Президент елорданың даму мәселелері бойынша екі рет үлкен жиын өткізді. Бұл Мемлекет басшысының Астананың дамуына деген ерекше көзқарасын білдіреді. Ол берген тапсырмалар мен міндеттерден бөлек, қала аудандарын аралау барысында да тұрғындарға мәселелерін шешуге уәде берілді. Ең бірінші мәселе, Президент қаңтар айының соңында өткізген жиында үйлерді жылыту жайы сөз болды, бұл ретте қала толық жылумен қамтамасыз етіліп, тапсырма орындалды. Екінші мәселе – қалада жыл жазда болған су тапшылығы. Сол кезде де Мемлекет басшысы Үкімет пен қала әкімдігіне бұл мәселені шешуге тапсырмалар берді. Осыған орай қазір ЖЭО-3 құрылысы бойынша жұмыстар толығымен бітті. Бүгінде қалада су тапшылығы жоқ және атқарылған жұмыстардың арқасында алдағы 5 жылда да бұл мәселе туындамайды.

### АСТАНА МӘРТЕБЕСІ ТУРАЛЫ ЗАҢҒА ӨЗГЕРІСТЕР ЕНГІЗІЛЕДІ

– Осы мәселелерді шешуде заңнамалық немесе бюрократиялық тұрғыдан әлде Үкіметпен коммуникация жағынан және бюджет бойынша қандай да бір кедергілер бар ма? Себебі Астана қаласының мәртебесі туралы заңға өзгеріс енгізу жөнінде пікірлер айтылуда. Сонымен қатар әкімдік құзыры жетпейтін, Үкіметтік шешімдерді қажет ететін қандай мәселелер бар?

– Жалпы бізде қашан да Үкімет және орталық мемлекеттік органдармен байланыс өте тығыз. Көп проблема қаланың бюджетіне байланысты. Қала өсіп келеді, жылына қалада тұратын азаматтар саны 70 мыңға өседі. Соның ішінде миграция арқылы 40 мың адам келсе, қалғаны демографиялық жолмен көбейеді. Бір жылда Астанада 35 мың бала дүниеге келеді. Бұл – барлық өңір арасында

Мемлекет тарапынан елорданың дамуына қашан да ерекше көңіл бөлінетіні белгілі. Президент биыл Астананы дамыту жөнінде бірнеше рет кеңес өткізіп, қаланың кейбір мәселелеріне қатысты сын да айтты, бірқатар тапсырмалар да берді. Жылдар бойы қордаланып қалған мәселелерді шешуде алдымен қай шаруаға басымдық берілуде, жалпы бас қаланы дамытуда қандай қиындықтар бар? Бұл туралы Астана қаласының әкімі Жеңіс Қасымбек «Жібек жолы» телеарнасының «Уәде» бағдарламасына берген сұхбатында баяндады.

жоғары көрсеткіштердің бірі. Әрине, көбейгеніміз қуантарлық жайт, бірақ сол балалар үшін әлеуметтік инфрақұрылымды жасау да керек. Сол жағынан біз үлгермей келеміз. Қала халқының саны қалай өссе, балабақша, мектеп, аурухана, емханалардың да саны солай көбеюі керек. Бірақ соңғы 15 жылда осы динамика бұзылды. Өмір өзгеруде, сондықтан бәрібір заңнамаларға да өзгеріс керек. Астана қаласының мәртебесі туралы заңға енгізілетін ең көп өзгерістер құрылысқа байланысты. Біз әр апта, ай сайын құрылыстар бойынша, яғни қай құрылыс заңсыз, қайсысында қандай проблемалар бар екенін көрсетіп, халыққа ақпарат беріп отырмыз. Мысалы, жылдың басында 102 тұрғын үй нысанының құжаттары дұрыс болмаса да, құрылыс жүргізіліп анықтадық.

– Халық сіздер берген ақпаратқа қаншалықты мән береді? Мысалы, көп ақпарат берсеңіздер де, сол компаниялармен келісімге тұрған адамдар бар ғой.

– Оны мен түсініп отырмын. Тұрғындар көбіне бұл үйлердің төмен бағасына қызығып барады. Ал сол компания заңды түрде жұмыс істеп отыр ма, оны білмейді. Сондықтан бұл, бір жағынан, әкімдіктің жауапкершілігі. Сондай түрлі құрылыс компанияларымен келісімге отырған азаматтар аз емес. Жалпы Астана қаласы бойынша 300 тұрғын үй салынса, соның үштен бірінің құжаттары толық емес, оның ішінде жер, жобалау құжаттарының дұрыс еместігіне қатысты мәселелер бар. Дегенмен сол компаниялар салып жатқан үйге ақша салған үлескерлердің жайын да ойлау керек. Құрылысты бір күнде тоқтата салуға болмайды. Біз екі жақты да қолдаймыз, сол үйден пәтер алатын тұрғындарды және сол құрылыста жұмыс істеп жүрген азаматтардың жайын да ойлаймыз.

– Құрылыс тоқтап жатқан жоқ, бірақ солардың қасынан әлеуметтік бағыттағы нысандар салу мәселесі күрделене түсуде. Неге біздің қаламызда осындай жүйесіздік бар?

– Көтерген мәселеңіз өте маңызды расында. Қазір балабақша кезегінде тұрған балалардың саны – 50 мың. Осы тапшылықты жою үшін 3-4 жылда кем дегенде 60 балабақша

қаражат арқылы жұмыс істейтін Арнайы қор бар, ол бойынша Астана қаласында 11 мектеп салынуда. Төртеуі пайдалануға берілді, қалғаны жыл соңына дейін ашылады. Келесі жылы тағы 8 мектеп салуды бастаймыз деп жобалап отырмыз. Жалпы алғанда, біздің есебіміз бойынша келесі жылы қосымша 20 мектеп іске қосылады.



салуды жоспарлап отырмыз. 2017 жылдан бері әкімдік тарапынан мемлекеттік балабақшалар салынбаған. Осы аралықта тек жекеменшік балабақшалар бой көтерген. Бұл бір жағынан дұрыс, нарық талабы сол, дегенмен халық бәрібір мемлекеттік балабақша сұрап отыр. Себебі әр балаға ай сайын 50-70 мың теңге төлей алатын отбасы көп емес. Сондықтан біз осындай жобалау құжаттарының дұрыс еместігіне қатысты мәселелер бар. Дегенмен сол компаниялар салып жатқан үйге ақша салған үлескерлердің жайын да ойлау керек. Құрылысты бір күнде тоқтата салуға болмайды. Біз екі жақты да қолдаймыз, сол үйден пәтер алатын тұрғындарды және сол құрылыста жұмыс істеп жүрген азаматтардың жайын да ойлаймыз.

### ЗАҢСЫЗ ҚҰРЫЛЫСҚА ЖОЛ БЕРІЛМЕЙДІ

– Президент бақылаусыз жүргізіліп жатқан құрылыс қала инфрақұрылымына үлкен салмақ салып отыр деді. Қала башылығы құрылыс компанияларының пайдасын емес, мемлекет пен азаматтардың мүддесін бәрінен биік қоюы тиіс екенін айтты. Құрылысқа, заңсыз жер беруге байланысты қандай шешімдерді өзгерттіңіз? Заңсыз берілген жерлерді қайтару процесі немесе тоқтатылған құрылыс орындары бар ма?

– Құрылысты тоқтату қиын емес, оны бір күнде тоқтатуға

болады. Бірақ өзіңіз білетіндей, ол компаниялармен келісім-шартқа отырған азаматтар аз емес, олар бар жиған-тергенін, көп қаражатын сол жерге салды, енді осы жылдың соңына дейін үй мәселесін шешеміз деп үміттеніп отыр. Біздің мақсатымыз – бұл мәселені оңтайлы шешу, сондықтан қазір ол компанияларға көмектесуге мәжбүрміз, 100-ден астамын тоқтаттық, оларға 3-4 ай уақыт беріп, құжаттарын дұрыстауға көмектестік. Енді олар қалайда сол құрылысты жалғастырып бітіруі керек. Ең бастысы, қаржы салған азаматтарға пәтер кілттерін беру болып отыр. Әкімдік екі ортада тұр. Бір жағынан, бұл құрылыс компаниялары қалаға 100 мыңнан астам тұрақты жұмыс орындарын береді, соны сақтау керек. Жалпы қазіргі таңда қалаға

құрылыс бастаған. Олардың ішінде кейде гараждардың бәрін сатып алмай, тек 5 пайызын ғана сатып алып, қалғанын әлі алмаса да бағасымен келіспей, құрылысты бастап кеткендері кездеседі. Бұл дұрыс емес және заңды емес. Біз ол үйді заңды түрде қабылдай алмаймыз. Алайда қала тұрғындары бәрін көріп отыр, «үй бітті, құрылыс бітті, неге үйге кірмейміз, неге кілт бермейді?» дейді, мұндай проблемалар көп. 1991 жылдары «Жиле-91» деген бағдарлама болған, сол кезде Қазақстан бойынша 6 млн шаршы метр тұрғын үй салынатын. Қазір бір қаланың өзінде 11 млн шаршы метр үй салынып отыр. Алдағы уақытта жоспарға сай жылына тек 3-3,5 млн шаршы метр тұрғын үйді ғана қабылдаймыз. Бұл көлемге қазіргі салынып жатқан инфрақұрылым саны да сәйкес келеді.

– Сарапшылардың пікірінше, Астана қаласының бұрынғы Бас жоспары дұрыс жасалмаған. Мұны Президент те айтты. Қай кезде, қай жерден қателік кетті?

– Ондай пікір бар, бірақ әлемдегі мысалдарды алсақ, Шанхайда соншама адам болады деп кім ойлаған? Мехикода, Лондонда, Мәскеуде де солай болған. Кез келген астана халқы көбейеді, бірақ ол динамикаға дамыған елдердің өзі үлгермей жатыр. Сондықтан өзгерістер енгізіп отырмыз.

### ЖЫЛУ МЕН СУ ТАРИФІ ӨСЕ МЕ?

– Мамандар Жылу электр орталықтарын көмірден газға ауыстыру жылу тарифтерінің бірнеше есеге қымбаттауына әкеледі деген пікірде. Ол қаншалықты қымбаттайды? Қазір қыста үйлердің көбі ыстық, бұл жылуды үнемдеудің жоқтығын көрсетеді. Сіздерде үнемдеу механизмі бар ма? Егер газға өтсе, расымен тариф қымбаттай ма?

– Бұл – өте маңызды мәселе. Бізде Кеңес Одағынан бастап үйреніп қалған нәрсе бар, біз үшін үй қатты ыстық болып тұру керек. Жалпы норматив бойынша үйдегі жылу температурасы аз дегенде 22 градус болады. Ал шетелдерде ондай норматив жоқ, ол жақта 15-18 градус болады және оны ешкім көтермейді. Бізде тіпті судың нормативі әр адамға 250 литрден келеді, Еуропада бұл көрсеткіш – 150 литр. Қазір қалада осы нормативті 150 литрге дейін түсіріп, әрі қарай одан көбірек пайдаланса, басқа тарифпен төлеу туралы мәселе талқыланып жатыр. Оны дифференциланған тариф дейді. Болашақта бәрібір соған келеміз. Соған дайындалуымыз керек. Астана қалалық масихаты және жалпы әкімдік бұл мәселемен айналысуда және келесі жылы қала тұрғындарына осындай ұсыныспен шығып, бұл мәселені ортақ талқыға саламыз. Су үнемделетін болса, тариф бағасы да төмен болады. Көп пайдалансаң, суды артығымен ағызсаң, онда тариф басқаша болуы керек. Жалпы әлемде солай, біз де соған келеміз.

### СУДАН ТАПШЫЛЫҚ БОЛМАЙДЫ

– Астана тұрғындары су мәселесінде жалғыз Астана су қоймасына тәуелді болып отыр. Тұрғындар саны көбеюде дегеніңіз, соған қарай күн сайын бір жаңа нысан пайдалануға беріліп жатады, Астананы ауызсумен қамтамасыз ету мәселесін қалай шешесіз?

– Биыл біз 100-ге жуық жаңа тұрғын үйді пайдалануға береміз деп жоспарлап отырмыз, жалпы қалада 3 күнде бір үй қолданысқа беріліп отыр. Қазір



қалада су тапшылығы мәселесі жоқ. Шілденің басында қалаға Астана су арнасынан қосымша құбыр тартып, ол жұмысты бітірдік. Жаңа су құбыры қалаға қосымша 90 мың текше метр су береді. Осылайша орын алған су тапшылығы толығымен жабылды. Сосын жаңа сорғы сүзгі стансасының құрылысы да бітті. Ол қалаға қосымша берілетін судың 105 мың текше метрін тазартуға дайын. Станса іске қосылғанмен, өзінің толық күшінде жұмыс істеп тұрған жоқ, себебі су тапшылығы шешілген. Бұл жұмыстардың бәрі алдағы 5 жылға резерв береді, ал одан әрі қарай су тапшылығы болмауы үшін басқа су көздерін қарастыру керек. Сол үшін қазір 2 жоба сараптамадан өтті. Біреуі – Нұра-Жем арасындағы су қоймасы. Ол Қорғалжын жақ бағытында қаладан 50 шақырымдай жерде орналасқан, күніне 50 мыңдай текше метр ғана су береді, бұл, шамамен, 200-300 мың адамды қамтитын көлем. Жалпы су тапшылығын 20-30 жылға шешу үшін қалаға Қ.Сәтбаев атындағы каналдан су тарту жобасын қазір Үкімет бастады. Бір жылдың ішінде жобасы дайын болса, 2025 жылы құрылысына кіріседі. 2027 жылға қарай салынып бітсе, қалада алдағы 30-40 жылда су тапшылығы мәселесі болмайды.

#### КЕПТЕЛІС МӘСЕЛЕСІ ШЕШІЛЕ МЕ?

– Қалада қазіргі таңдағы өзекті мәселелердің бірі – көлік кептелісі, мұны осыдан 2-3 жыл бұрын аса қатты сезбейтін едік. Тұрғын үйлер көбейген сайын бұл кептеліс үлкеюі мүмкін. Кейбір сарапшылардың пікірінше, елорда кептелісте қалатын Алматының тағдырын қайталауы ғажап емес. Көліктер кептелісі мәселесін шешуде қандай жоспар бар?

– Жаңа Бас жоспар бойынша қаланың орталығында енді үлкен нысандар салынбайды. Президенттің тапсырмасына сәйкес қалада тұрғын үйдің

құрылысы, негізінен, үш жерде дамиды. Ол – «Мыңжылдықтар» аллеясы бойында, яғни Қаллеки театры мен «Нұрлы жол» теміржол вокзалы аралығында 2 жарым млн шаршы метр үй салынады. Құрылыстың тағы бір көп көлемі – Жағалау жақта, яғни Тұран көшесінен әрі батыс жаққа қарай және Тельман елді мекені жақ бағытында дамиды. Осы үш жерде құрылыс жүреді. Есіл ауданындағы орталықта құрылыс азаяды. Соған қоса айналма жолдар салынады, сол арқылы Ш.Айтматов пен Ұлы дала көшелері қосылады. Ол да үлкен көмек болады. Сосын осы бір ай ішінде үлкен бір көпірді іске қосайын деп отырмыз, ол – Тәуелсіздік көшесін жалғайтын, қаланың екі жағын қосатын көпір. Біздің жоспар бойынша әр 2 жылда бір көпір салу көзделуде. Басқаша бұл проблема шешілмейді.

– Астанада жаю жүргізіліп жатқан жердегі ойластырылмаған деген пікірлер де бар. Мысалы, арбаға таңылған жандардың өз бетінше қалада жүруі үшін қолайсыздықтар көп. Бұл мәселе сіздің күн тәртібіңізде бар ма?

– Бұл – ең басты мәселелердің бірі. Биыл қалада абаттандыру және көгалдандыру бюджеті 2-3 есе көбейтілді. Мәңгілік ел және Сәтбаев көшелері бойында жаңа скверлер пайда болды. Жалпы қарапайым тұрғындарға арналған жұмыстар көбейтілуде. Одан бөлек, автобустар санын арттырдық. Биыл әкімдік автопаркіне 100-ден астам жаңа автобус әкелінді. Осы айда қосымша тағы 100 автобус әкелінсе, жылдың соңына дейін жалпы автопаркке 350-дей автобус алынады.

– Елорда жайын айтқанда ЛРТ құрылысына тоқталмай кетуге болмайды. Оның құрылысы қай жылы салынып бітеді?

– 2 жыл ішінде толығымен аяқталады деп жоспарлап отырмыз. Қаражат жағынан үкімет көмегін беріп отыр. Себебі қала жалғыз бұл мәселені шеше алмайды. Сондықтан қаражат жоспар бойынша берілетін

болса, 2 жылда бітеді.

– Бізде қоғамдық көліктер мен олардың жүргізушілерінің жетіспеушілігі және жүргізушілердің кәсібилігіне қатысты мәселелер бар. Бұл мәселелер қалай шешіледі?

– Қазақстанда қытайлық компаниялармен бірлесе жасалған жаңа автобустарды алып, паркті жаңартып жатқанымызды айттым. Келесі мәселе – жүргізушілер тапшылығы, расында ондай проблема бар. Бүгінде олардың айлығы кем дегенде 500 мың теңгеден басталады. Бірақ жұмысы да оңай емес, сондықтан болар, кадр тапшылығы туындап отыр. Бірақ дәл қазір бұл тапшылық жылдың басымен салыстырғанда 2 есе төмендеді.

#### КІМГЕ ҚАРАП БОЙ ТҮЗЕЙДІ?

– Астана қай қалаларға қарап бой түзейді?

– Әрбір қаланың өзіне тән ерекшеліктері болады. Астананың да сондай ерекшеліктері аз емес, оны басқамен салыстыру мен үшін қиын. Бір ай бұрын әріптесім Сингапурда болған бір конференцияның видеосын жіберген. Сол кезде Индонезияның өкілдері баяндама жасап, жаңа астанасын салуда Астананы үлгі ретінде алғанын айтқан. Астананың өзінің даму жолы бар. Бүгінгі мәселелер шешіледі. Болашақта Астана басқа елдерге үлгі болады.

– Алматыда сауда-саттық пен қаржы жағы жақсы дапты, ол шаһарды шағын және орта бизнес қаласы дейміз. Астана қаласы Алматының даму жоспарымен таныс па, екі арада жақсы бағыттағы бәсекелестік бар ма немесе Алматының ірі кәсіпкерлері Астанаға келуі үшін қандай да бір шаралар ұйымдастырыла ма?

– Ондай бәсекелестік бізде жоқ. Бірақ басқа өңірлерде, соның ішінде Алматыда не

болып жатқанын біз жақсы білеміз. Мысалы, дұрыс нәтижелі жоба болса, оны Астанада жасауға бола ма деп міндетті түрде қарастырамыз. Бізде неге жасамаса деп зерттейміз. Анкара сияқты басқа шетелдік қалалардың да тәжірибесін қарап отырмыз. Оларда басында 30-40 жыл құрылыс инвестиция тартатын негізгі сала болатын. Сосын барып басқа салаларына инвестиция көбейді. Елордада да оң өзгерістер көп. Туристер саны да артып келеді.

#### ҚАЛА МӘДЕНИЕТІН ҚАЛАЙ ҚАЛЫПТАСТЫРАМЫЗ?

– Тәжікстанның азық-түлік жәрмеңкесі өткен кезде елорда тұрғындары өзінің мәдениетінің төмендігін көрсетіп қойды. Жалпы қала мәдениеті дегенде түрлі концерттер өткізуден басқа, елордалықтардың мәдениетін көтеруде қандай жұмыстар жүргізіледі? Астаналық деген сипаттағы адам қандай болуы керек?

– Бұл, бір жағынан, ұятты оқиға, екінші жағынан, бізге сабақ болды. Менің ойымша, бұл – жаңа қаланың проблемасы, болашақта ондай мәселелер болмауы қажет. Астанада мәдениетті сақтау ерекше маңызды деп есептеймін. Елорда өзгелерге барлық жағынан үлгі болуы керек. Тіпті кейбір қоғамдық тәртіпті бұзу фактілері сабақ ретінде қабылданып тиіс. Мәселен, Қ.Сәтбаев көшесінде абаттандыру жұмыстарын кеше ғана бітірдік, бүгін қарасақ, бірденесін сындырып үлгеріпті. Құқық бұзушымен қоғам болып күресуіміз керек. Ондай әрекеттермен күресу – біздің әрбіріміздің міндетіміз. Мәдениеттілік бәлабақшадан, мектептен және үйден бастау қажет. Осы ретте жағымды жайттар да болып жатыр. Елорданың еріктілері тұрғындармен бірге Солтүстік Ирландиямен өткен матчтан кейін «Астана Арена» стадионындағы қоқыстарды жинап, мәдениеттілік танытқан. Қаламызда білім және мәдениет мәселелеріне басымдық берілген. Бұл туралы Мемлекет басшысы бір емес, бірнеше рет айтты. Жалпы, елорда әкімдігінің жұмысындағы маңызды бағыттарға бұзақылықпен күрес, өскелең ұрпақты тәрбиелеу, қаланы абаттандыру да жатады. Осы орайда келесі жылы Сергек камераларын 10 мыңға көбейту жоспарда тұр. Өзге де іс-шаралар мен акциялар көп өткізіледі. Жалпы проблемалар аз емес, дегенмен бізді Президент те, Үкімет те қолдауда. Ал біздің міндетіміз – берілген тапсырмаларды дұрыс әрі жүйелі түрде атқарып, берген уәдені орындау.

Дайындаған  
Райхан РАХМЕТОВА

**ҚАЗІР БІР ҚАЛАНЫҢ ӨЗІНДЕ 11 МЛН ШАРШЫ МЕТР ҮЙ САЛЫНЫП ОТЫР. АЛДАҒЫ УАҚЫТТА ЖОСПАРҒА САЙ ЖЫЛЫНА ТЕК 3-3,5 МЛН ШАРШЫ МЕТР ТҰРҒЫН ҮЙДІ ҒАНА ҚАБЫЛДАЙМЫЗ**



## ЖЕҢІМПАЗДАРМЕН ЖҮЗДЕСТІ

Қала әкімі Жеңіс Қасымбек ХІХ Жазғы Азия ойындарының жеңімпаздарымен кездесіп, оларды осы жарыстағы жүлделерімен құттықтады.



– Елорданың спортшылары 10 медаль жеңіп алды: 1 алтын, 3 күміс және 6 қола. Спортшыларымыз қайсарлығының, табандылығының арқасында жақсы нәтиже көрсетті. Әрбір медальдің артында тоқтаусыз жаттығулар, жеңіске деген жігер, отбасының, жанкүйерлері мен жаттықтырушыларының қолдауы жатыр. Сіздер – елордамыздың ғана емес, бүкіл еліміздің мақтанышы болып есептелесіздер. Жеңістеріңізбен шын жүректен құттықтаймын! Алда әлі талай жарыс күтіп тұр, ең бастысы, Парижде өтетін Олимпиада бар. Спорт командаларымыздың бәсекеге қабілетін арттыру үшін кешенді жұмыс жүргізуіміз керек, – деді әкім кездесу барысында.

Әйелдер күресінен әлемнің

екі дүркін күміс жүлдегері, Азия ойындарының күміс жүлдегері Жәмила Бақбергенованы бір бөлмелі пәтер кілті табысталды.

Жеңімпаз жастармен кездесу де спорт нысандарын дайындау, жабдықтау, спортшылар мен жаттықтырушыларды ынталандыру мәселелері де сөз болды.

Жалпы жазғы Азия ойындарында Қазақстан спортшылары 10 алтын, 22 күміс, 48 қола медаль жеңіп алды. Соның ішінде ұлттық құрама жарыс күтіп тұр, ең бастысы, Парижде өтетін Олимпиада астаналық спортшылар 10 медаль еншіледі. Бүгінгі таңда елордалық спортшылар 2024 жылы Парижде өтетін Олимпиада ойындарына берілетін лицензиялық жарыстарға қызу дайындық жүргізіп жатыр.

## ЖАС КҮЙШІЛЕР ЖАРЫСЫ

Музыкалық жас көрермен театрында Дина Нұрпейісова атындағы «Астана – күй қанатында» атты домбырашы-күйшілердің І қалалық байқауының жеңімпаздарын марапаттау рәсімі өтті. Аталмыш байқауды Астана қаласы әкімдігінің қолдауымен «Күй анасы» республикалық қоры ұйымдастырды.



Шараны Астана қаласы Ішкі саясат басқармасының басшысы Нұрдулет Әлмұханов ашып, күй өнерінің, домбыраның қазақ өмірінде алатын орнына тоқталды. Жеңімпаздар екі жас тобы бойынша анықталды. 14-18 жастағылар арасында үшінші орынды Қасиет Райымов, екінші орынды Жансая Шерғалиева,

бірінші орынды Мұхаммедәли Толабек, ал бас жүлдені Бекнұр Әбдіжәли иеленді. 19-35 жастағылар ішінде үшінші орынды Амантай Ашықбай, екінші орынды Ақтілек Дәудар екі жас тобы бойынша анықталды. 14-18 жастағылар арасында үшінші орынды Қасиет Райымов, екінші орынды Жансая Шерғалиева,























№126-127 (4560) 24/10/2023 Сейсенбі

## КІТАПХАНА – ӨРКЕНИЕТ ШЫРАҚШЫСЫ

24 қазан – кітапханашылар күніне орай Мәдениет және ақпарат министрлігінің ұйымдастыруымен Қазмедиа орталығында мерекелік іс-шара өтті. Салтанатты жиынға Мәдениет және ақпарат министрі Аида Балаева, Қазақстанның әр өңірінен келген кітапханашылар, мемлекет және қоғам қайраткерлері мен ардагер кітапханашылар қатысты.



Райхан РАХМЕТОВА

Бүгінде елімізде 12 мыңға жуық кітапхана бар. Оның ішінде Мәдениет және ақпарат министрлігіне қарасты республикалық, облыстық, аудандық, ауылдық дәрежеде 4 мыңға жуық кітапхана жұмыс істейді. Сонымен қатар мектеп, колледж, жоғары оқу орындары мен ведомстволар және ғылыми-зерттеу институттарында да кітапхана қызметі ашылған. Қазіргі таңда бұл салада республика бойынша 20 мыңдай кітапханашы еңбек етуде.

Іс-шараның мақсаты – қоғамдағы кітапханашы мамандығының беделін арттыру, имиджін қалыптастыру және еліміздің түкпір-түкпірінде руханият саласына еңбек сіңіріп жүрген кәсіби майталмандарды дәріптеу. Жұмыс барысында әр өңір кітапханаларының озық жобалары таныстырылып, кітапхана тарихына арналған көрме қойылды.

Астана қаласы бойынша орталықтандырылған кітапханалар жүйесінің директоры Гүлбадан Мәдібаева Мәдениет және ақпарат министрлігі Архив, құжаттама және кітап ісі комитетінің төрағасы Қуат Бораштың алғыс хатымен марапатталды.

– Біздің жүйеге 18 кітапхана кіреді. Біреуі – М.Әуезов атындағы орталық қалалық кітапхана. Одан бөлек, 10 көпшілік кітапхана, 6 балалар кітапханасы және 1 көзі нашар көретін және көзі көрмейтін азаматтарға арналған кітапхана бар. Солардың бәрінде кітап қоры 800 мыңға жақындады. Келетін оқырмандар саны – 78 мың адам. Биыл 4 кітапханаға жаңғырту жұмысы жүргізілді және бізге тағы 4 жаңа ғимарат берілді, оларды жөндеу жұмысы келесі жылға жоспарлануда. Бұл – біз үшін үлкен жетістік, – дейді Г.Мәдібаева.

Мерекелік жиын одан әрі кітапхана ісі саласының мәселелеріне арналған дөңгелек үстелге жалғасты.



Сағыныш ДҮЙСЕНҚЫЗЫ, Астана қаласы орталық балалар және жасөспірімдер кітапханасының кітапханашысы:

– Әр ақынды, әр жазушыны дәріптеп, әртүрлі бағытта шығармаларын насихаттау, оқырманға жеткізу – кітапханашылардың парызы. Олар жарық шамшырақ іспеттес. Кітап оқымайтын адамдарды түсінбеймін. Кітапсыз жан дүниенің бос болады. Кітаппен сырласасың, рухани тұрғыдан байысың, көзқарасың қалыптасады. Астана қаласы орталықтандырылған кітапханалар жүйесіндегі әріптестерімді ұлы мереке – Республика күнімен және кәсіби мерекеміз – кітапханашы күнімен құттықтаймын! Оқырмандарымыздың санасына шамшырақ болып жарық шаша берейік!

24/10 18:00  
РЕСПУБЛИКА КҮНІНЕ АРНАЛҒАН МЕРЕКЕЛІК КОНЦЕРТ  
Е.Рахмадиев филармониясы  
Республика күні 25 қазан

РЕСПУБЛИКАМ ҚАЗАҚСТАН  
«РЕСПУБЛИКАМ – ҚАЗАҚСТАН» МЕРЕКЕЛІК КОНЦЕРТІ  
«Наз» би театры

25/10 17:00  
«ОТАН ҚЫМБАТ» МЕРЕКЕЛІК КОНЦЕРТІ  
Бейбітшілік және келісім сарайы  
25 ҚАЗАН 17:00  
«Отан қымбат» Республика күніне арналған мерекелік концерт



24/10 20:00  
«ҰЛЫТАУ ҰЛЫ» МЕГА-ШОУЫ  
Барыс Арена  
МЕГА-ШОУ  
АСТАНА БАРЫС АРЕНА  
24 ҚАЗАН 20:00  
ТИКЕТОН

25/10 19:00  
«АЛАШ ЖОЛЫ» СПЕКТАКЛІ  
Ә.Мәмбетов атындағы Мемлекеттік драма және комедия театры  
«АЛАШ ЖОЛЫ»

Қызыл жібек  
«ҚЫЗ ЖІБЕК» ДРАМАЛЫҚ ОПЕРАСЫ  
Қ.Қуанышбаев театры

25/10 19:00  
«ШӘМШІ» МУЗИКЛІ  
Музыкалық жас көрмен театры  
«ШӘМШІ»

«АЛИЯ» ДРАМАСЫ  
М.Горький театры

27/10 19:00  
ЖЕТІГЕН-АҒЫЗ  
Е.Рахмадиев филармониясы

МАҢГИ ЕЛ  
«МӘҢГІЛІК ЕЛ» МЕРЕКЕЛІК КОНЦЕРТІ  
«Астана Балет»



Газет ҚР Ақпарат және коммуникациялар министрлігінің Ақпарат комитетінде 23.05.2018 ж. тіркеліп, №17120-Г куәлігі берілген. Меншік иесі: «Elorda Aqparat» ЖШС  
Директор – Олжас СЫДЫҚБЕК

Бас редактор – Еркін ҚЫДЫР

Бас редактордың орынбасары – Ғалым ҚОЖАБЕКОВ

Газетте жарияланған материалдарды сілтемесіз көшіріп басуға болмайды.

Газет сейсенбі, бейсенбі және сенбі күндері шығады.

Жарнама мен хабарландырулардың мазмұнына жарнама беруші жауап береді.

Газет «ASTANA AQSHAMY» газеті редакциясының компьютерлік орталығында теріліп, қатталды. Тираж – 10 200. Апталық таралымы – 15 300  
Тапсырыс №126-127  
Баспахана: Астана қаласы, Сілеті көшесі, 30-үй  
«Медиа-холдинг «ERNUR» ЖШС

Редакция мекенжайы: 010000, Астана қаласы, Достық көшесі, 13, «Нурсая-2» ТК

Қабылдау бөлмесі: тел./факс: +7 (7172) 42-43-81  
Тілшілер бөлімі: 42-41-03  
Жарнама: 42-43-52  
Va-reklama@mail.ru

aqsham1990@mail.ru

Кезекші редактор – Индира БЕРЖАНОВА